

**ՓՈՒՆԸՄԲՈՒՆՄԱՆ ՀՈՒՇԱԳԻՐ**



**Հայաստանի Հանրապետության արդարադատության ակադեմիայի՝  
ի դեմս ռեկտոր պարոն Սերգեյ Առաքելյանի,**



**Հայաստանի Հանրապետության գլխավոր դատախազության՝  
ի դեմս գլխավոր դատախազ պարոն Արթուր Դավթյանի,**



**Հայաստանի Հանրապետության քննչական կոմիտեի՝  
ի դեմս նախագահ պարոն Հայկ Գրիգորյանի**



**ԵԱՀԿ Ժողովրդավարական հաստատությունների և մարդու  
իրավունքների գրասենյակի՝ ի դեմս  
Տնօրենի առաջին տեղակալ տիկին Կատարզինա Գարդափխաձեի**

**միջև**

**«Ատելության շարժառիթով կատարված հանցագործություններ.  
վերապատրաստում դատախազների համար»  
ծրագրի մասին**

Հայաստանի Հանրապետության արդարադատության ակադեմիան (այսուհետ՝ Ակադեմիա), Հայաստանի Հանրապետության գլխավոր դատախազությունը (այսուհետ՝ Գլխավոր դատախազություն), Հայաստանի Հանրապետության քննչական կոմիտեն (այսուհետ՝ Քննչական կոմիտե) և Եվրոպայում անվտանգության և համագործակցության կազմակերպությունը՝ իր

Ժողովրդավարական հաստատությունների և մարդու իրավունքների գրասենյակի միջոցով (այսուհետ՝ ԺՀՄԻԳ), այսուհետ՝ Կողմեր,

Նկատի ունենալով փոխադարձ հետաքրքրությունը և այն համոզմունքը, որ ատելության շարժառիթով կատարված հանցագործությունները՝ մարդու իրավունքների խախտում, իրավունքի գերակայության և կայուն ժողովրդավարության սպառնալիք են,

Վերահաստատելով ստորև բերված փաստաթղթերի դրույթները՝

- ԵԱՀԿ քսանմեկերորդ դարում անվտանգության և կայունության սպառնալիքներին արձագանքելու մասին ռազմավարություն (2003թ.),
- Աթենքի ԵԱՀԿ նախարարական խորհրդի թիվ 9/09 որոշում ատելության հիմքով հանցագործությունների դեմ պայքարի մասին,
- Ռասայական խտրականության բոլոր ձևերի վերացման մասին միջազգային կոնվենցիա (1965թ.),

Հաշվի առնելով, որ ԺՀՄԻԳ-ի «Ատելության շարժառիթով հանցագործություններ. վերապատրաստում դատախազների համար» ուսումնական ծրագիրը (այսուհետ՝ ԱՇՀՎԴ) մշակվել է ԵԱՀԿ մասնակից պետություններում ատելության շարժառիթով հանցագործությունների մասին դատախազների վերապատրաստում անցկացնելու նպատակով,

Համոզված լինելով, որ Ակադեմիայի, Գլխավոր դատախազության, Քննչական կոմիտեի և ԺՀՄԻԳ-ի միջև համագործակցությունը կարող է նպաստել ատելության շարժառիթով կատարված հանցագործությունների դեմ պայքարում փոխադարձ նպատակների ձեռքբերմանը,

Համաձայնել են հետևյալի մասին.

## Ակադեմիան՝

1. Սույն Հուշագրի ստորագրումից հետո մեկ շաբաթվա ընթացքում նշանակում է ազգային համակարգող, որը հանդես է գալիս որպես ԺՀՄԻԳ-ի հետ աշխատանքի լիազոր ներկայացուցիչ, և Գլխավոր դատախազության և Քննչական կոմիտեի հետ միասին համակարգում է Հայաստանում ԱՇՀՎԴ-ի իրականացումը. համակարգողի տեխնիկական առաջադրանքը ներկայացված է սույն Հուշագրի Հավելված 1-ում:
2. Սույն Հուշագրի ուժի մեջ մտնելուց երկու շաբաթ անց համագործակցության առաջարկով կապ է հաստատում սույն Հուշագրի Հավելված 2-ում թվարկված շահագրգիռ կողմերի հետ և ստեղծում է Ծրագրի իրականացման ազգային աշխատանքային խումբ (այսուհետ՝

ԾԻԱԱԽ), որը խորհրդատվական աշխատանք է իրականացնելու ուսումնական ծրագրի և ուսումնական նյութերի ադապտացման ուղղությամբ՝ վերանայելով հայերեն թարգմանությունը, ապահովելով ԱՇՀՎԴ-ի արդյունավետ իրականացումը, նպաստելով մշտադիտարկման, գնահատման և հետագա այլ գործողություններին. ԾԻԱԱԽ-ի Տեխնիկական առաջադրանքը ներկայացված է սույն Հուշագրի Հավելված 2-ում:

ԾԻԱԱԽ առաջին հանդիպումը տեղի կունենա ԺՀՄԻԳ-ի կողմից ԱՇՀՎԴ-ի հարմարեցված ուսումնական ծրագրի տրամադրումից մեկ ամիս անց (տե՛ս ստորև):

3. ԾԻԱԱԽ-ի առաջին հանդիպումից մեկ ամիս անց, Գլխավոր դատախազության և Քննչական կոմիտեի հետ սերտ համագործակցությամբ, մշակում է Ծրագրի իրականացման ազգային պլանը՝ ուղղված ԱՇՀՎԴ-ի հետագա փուլերի ընթացքում վերապատրաստման անցկացմանը, այդ թվում՝

ա. առնվազն տասը դատախազների և Քննչական կոմիտեի տասը քննիչների ընտրություն և ներգրավում՝ վերապատրաստողների վերապատրաստման դասընթացին մասնակցելու և ԱՇՀՎԴ-ի դասընթացն իրականացնելու նպատակով,

բ. քաղաքացիական հասարակությունը, համալսարանական շրջանակները և դատական համակարգը ներկայացնող այլ հավանական մենթորների ընտրություն և ներգրավում՝ վերապատրաստողներ վերապատրաստելու և ԱՇՀՎԴ-ի դասընթացն իրականացնելու նպատակով,

գ. ՀՀ դատախազության կառուցվածքային և տարածքային ստորաբաժանումների դատախազների ընտրություն և ներգրավում՝ ԱՇՀՎԴ-ի հետագա կասկադային ուսուցման փուլում վերապատրաստելու նպատակով,

դ. Քննչական կոմիտեի կառուցվածքային և տարածքային ստորաբաժանումների քննիչների ընտրություն և ներգրավում՝ ԱՇՀՎԴ-ի հետագա կասկադային ուսուցման փուլում վերապատրաստելու նպատակով, և

ե. ԱՇՀՎԴ-ի իրականացման համար ժամանակացույցի սահմանում:

Խրախուսվում է ապագա վերապատրաստողների և վերապատրաստվողների շրջանում կանանց և տղամարդկանց հավասար համամասնությամբ ներկայացվածությունը:

4. Գլխավոր դատախազության և Քննչական կոմիտեի հետ սերտ համագործակցությամբ ապահովում է ԱՇՀՎԴ-ի հետագա շարունակականությունը՝ կասկադային սկզբունքով իրականացնելով ԱՇՀՎԴ դասընթացը վերապատրաստված վերապատրաստողների կողմից իրականացվող հետևյալ գործողությունների միջոցով՝

ա. Ծառայության ընթացքում տարեկան առնվազն չորս ԱՇՀՎԴ վերապատրաստումների կազմակերպում և իրականացում՝ մեկուկես օր առկա ուսուցմամբ՝ առնվազն 10 դատախազներից և Քննչական կոմիտեի 10 քննիչներից

բաղկացած խմբերի համար,

բ. ԱՇՀՎԴ դասընթացի ինտեգրում՝ որպես դատախազների թեկնածուների և Քննչական կոմիտեի քննիչների թեկնածուների մասնագիտական պատրաստման, գործող դատախազների և քննիչների վերապատրաստման ուսուցման ծրագրերի մշտական բաղադրիչ,

գ. Դատախազության համակարգում ուսումնական միջոցառումների կազմակերպման նպատակով վերապատրաստողների խթանում,

դ. Քննարկում է դատավորների, դատավորների թեկնածուների, դատավորների թեկնածուների հավակնորդների, ինչպես նաև դատաիրավական ոլորտի այլ մասնագետների համար ԱՇՀՎԴ ծրագրով մասնագիտական պատրաստում և վերապատրաստում կազմակերպելու հարցը:

5. Ապահովում է ԱՇՀՎԴ-ի պլանավորումն ու իրականացումը, այդ թվում՝ ծրագրի իրականացման շրջանակներում վերապատրաստողների համար լոգիստիկ և ենթակառուցվածքային աջակցության տրամադրման միջոցով, ինչպես նաև ԱՇՀՎԴ փոխանցումը դատախազներին:
6. Հրավիրում է ԺՀՄԻԳ-ին՝ ունկնդրելու վերապատրաստման դասընթացը և աջակցելու ծրագրի գնահատմանը,
7. Ապահովում է ԱՇՀՎԴ-ի իրականացման համար վերապատրաստումների անցկացման վայրերի, ուսուցման համար անհրաժեշտ սարքավորումների և մասնակիցների այլ կարիքներին վերաբերող ծախսերի վճարումը:

#### **Գլխավոր դատախազությունը՝**

1. Սույն Հուշագրի ստորագրումից մեկ շաբաթ անց նշանակում է Համակարգման պատասխանատու, որը հանդես է գալիս որպես լիազոր ներկայացուցիչ՝ Ակադեմիայի, Քննչական կոմիտեի և ԺՀՄԻԳ-ի հետ Հայաստանի Հանրապետությունում ԱՇՀՎԴ-ի իրականացմանն ուղղված աշխատանքում և մասնակցում է ԾԻԱԱԽ-ի աշխատանքներին:
2. Աջակցում է ԱՇՀՎԴ-ի արդյունավետ և շարունակական իրականացմանը՝ Ծրագրի իրականացման ազգային պլանում ընտրված այն գործող դատախազների նշանակման միջոցով, որոնք կմասնակցեն Ակադեմիայի կողմից կազմակերպված ԱՇՀՎԴ-ի վերապատրաստման դասընթացներին:

3. Սատարում է Ակադեմիային՝ վերը նշված հանձնառությունների կատարմանն ուղղված ջանքերում, ըստ անհրաժեշտության:
4. Դիտարկում է ԺՀՄԻԳ-ի աջակցությամբ ատելության շարժառիթով կատարված հանցագործությունների արդյունավետ քննության վերաբերյալ դատախազների համար նախատեսված Ուղեցույցի մշակման հնարավորությունը:

### **Քննչական կոմիտեն՝**

1. Սույն Հուշագրի ստորագրումից հետո մեկ շաբաթվա ընթացքում նշանակում է համակարգող՝ որպես Ակադեմիայի, Գլխավոր դատախազության և ԺՀՄԻԳ-ի հետ աշխատանքի լիազոր ներկայացուցիչ Հայաստանի Հանրապետությունում ԱՇՀՎԴ-ի իրականացման և ԾԻԱԱԽ-ի աշխատանքներին մասնակցելու համար:
2. Աջակցում է ԱՇՀՎԴ-ի արդյունավետ և կայուն իրականացմանը Ծրագրի իրականացման ազգային պլանով սահմանված Քննչական կոմիտեի այն քննիչների նշանակման միջոցով, որոնք մասնակցելու են Ակադեմիայի կողմից կազմակերպված ԱՇՀՎԴ-ի վերապատրաստման դասընթացներին:
3. Սատարում է Ակադեմիային՝ վերը նշված հանձնառությունների կատարմանն ուղղված ջանքերում, ըստ վերաբերելիության:
4. Դիտարկում է ԺՀՄԻԳ-ի աջակցությամբ ատելության շարժառիթով կատարված հանցագործությունների արդյունավետ քննության վերաբերյալ քննիչների համար նախատեսված Ուղեցույցի մշակման հնարավորությունը:

### **ԺՀՄԻԳ-ը՝**

1. Սույն Հուշագրի ստորագրումից հետո մեկ շաբաթվա ընթացքում նշանակում է համակարգման պատասխանատու՝ որպես ԱՇՀՎԴ ծրագրի իրականացման ընթացքում Ակադեմիայի, Գլխավոր դատախազության և Քննչական կոմիտեի հետ աշխատանքում իր լիազոր ներկայացուցիչ:
2. Սույն Փոխըմբռնման հուշագրի ստորագրումից հետո երկամսյա ժամկետում իրականացնում է կարիքների գնահատում՝ հիմք դնելու Հայաստանում ԱՇՀՎԴ-ի

ադապտացված ուսումնական ծրագրի նախագծմանը:

3. Կարիքների գնահատման առաքելությունից հետո եռամսյա ժամանակահատվածում մշակում է ուսումնական ծրագրի նախագիծը, տրամադրում է դրա հայերեն թարգմանությունը և խորհրդակցում է ԾԻԱԱԽ-ի հետ՝ այն համապատասխանաբար ադապտացնելու նպատակով:
4. Ակադեմիային տրամադրում է ԱՇՀՎԴ-ի ուսումնական ծրագրի ու նյութերի անհրաժեշտ քանակի պատճենները, այդ թվում՝ ապահովելով դրանց հայերեն թարգմանությունը:
5. Ընտրված դատախազների և քննիչների համար վերապատրաստողների դասընթացի շրջանակներում իրականացնում է համակողմանի ուսուցում:
6. Կատարում է ծրագրի իրականացմանը հաջորդող գնահատում և աջակցություն է տրամադրում Ակադեմիային ծրագրի իրականացման հետագա փուլերում:
7. Աջակցություն է տրամադրում Քննչական Կոմիտեին և Գլխավոր դատախազությանը դատախազների և Քննչական կոմիտեի քննիչների համար ատելության շարժառիթով կատարված հանցագործությունների արդյունավետ քննության և հետապնդման մասին ուղեցույցի մշակման ընթացքում:
8. Հոգում է կարիքների գնահատման առաքելության, ԱՇՀՎԴ ուսումնական ծրագրի պատրաստման և թարգմանության ծախսերը, և վերապատրաստողների վերապատրաստման ծրագրերի իրականացմանը, վերապատրաստողների և ԺՀՄԻԳ-ի օժանդակ աշխատակազմի վճարումների և ճանապարհածախսի, բանավոր թարգմանության ծառայությունների և թարգմանիչների վարձատրությանը վերաբերող ծախսերը: ԺՀՄԻԳ-ը նաև հոգում է ԱՇՀՎԴ ծրագրի կատարողականի գնահատման ծախսերը:

Սույն Հուշագիրը վավերական է մինչև այն պահը, երբ Կողմերն այլ որոշում չեն կայացրել, պայմանով, որ այսպիսի որոշման մասին մյուս Կողմերը պատշաճ իրազեկվեն:

Ստորագրված փաստաթղթի հայերեն և անգլերեն բնագիր երկու տեքստերն էլ վավերական են, կազմված են չորս օրինակից, որոնցից մեկական օրինակ տրվում է Կողմերից յուրաքանչյուրին: Սույն Փոխըմբռնման հուշագրի մեկնաբանման ընթացքում առաջացած հակասությունների դեպքում գերակայում է անգլերեն տեքստը:

Կողմերից որևէ մեկը չպետք է պատասխանատվության ենթարկվի սույն Հուշագրում ներառված գործողությունների չկատարման կամ կետանցման համար այն դեպքերում և ժամանակահատվածում, երբ այդպիսի չկատարումը կամ կետանցումը տվյալ կողմի ողջամիտ հսկողությունից դուրս ընկած պատճառներով է, այդ թվում՝ պայմանավորված է համաճարակային, համավարակային, մեկուսացման, կարանտինային իրավիճակով կամ

ռազմական դրության հանգամանքով, էականորեն ազդում է սույն Հուշագրի ներքո իր պարտավորությունների կատարման վրա, և անհնար է այն ողջամտորեն կանխատեսել կամ դրա դեմ միջոցներ ձեռնարկել:

**Արդարադատության ակադեմիա**


Սերգեյ Առաքելյան  
Ռեկտոր



Երևան, ամսաթիվ  
26/04/2021

**Գլխավոր դատախազություն**

Արթուր Դավթյան  
Գլխավոր դատախազ



Երևան, ամսաթիվ  
10.05.21 թ.

**Քննչական կոմիտե**


Հայկ Գրգորյան  
Նախագահ



Երևան, ամսաթիվ 07.05.21.

**ԺՀՄԻԳ**

Կատարգինա Գարդափխաձե  
Տնօրենի առաջին տեղակալ



Վարչավա, ամսաթիվ  
2021 -05- 2.5

## ՀԱՎԵԼՎԱԾ 1. Ազգային համակարգողի տեխնիկական առաջադրանքը

Համակարգողի գործառույթները՝

ԱՀ-ն ԱՇՀՎԴ-ի պլանավորման և գործառնությունների հիմնական կոնտակտային անձն է:

ԱՀ-ի հիմնական առաջադրանքն է՝

- համակարգել ԺՀՄԻԳ-ի, Գլխավոր դատախազության և Քննչական կոմիտեի համապատասխան համակարգողների հետ ԱՇՀՎԴ-ի իրականացումը,
- համակարգել կարիքների գնահատման առաքելության օրակարգը ԺՀՄԻԳ-ի վերապատրաստման թիմի հետ, որի շրջանակներում կարող են ներառվել ոստիկանության և դատախազության, դատաիրավական համակարգի այլ ներկայացուցիչների և քաղաքացիական հասարակության կազմակերպությունների ներկայացուցիչների հետ հանդիպումները,
- հրավիրել և նախագահել ԾԻԱԱԽ-ի հանդիպումները և համակարգել դրա գործողությունները,
- համակարգել ԱՇՀՎԴ-ի վերապատրաստողների վերապատրաստման ծրագիրը՝ ապահովելով մասնակիցների ընտրության չափանիշներին համապատասխանությունը և աջակցել վերապատրաստմանը վերաբերող լոգիստիկ հարցերի կազմակերպմանը,
- մեկնաբանություններ անել և ներդրում ունենալ նյութերի ադապտացման գործում,
- ԺՀՄԻԳ-ին տրամադրել տեղեկություններ վերապատրաստման հանդիպումների քանակի և ձեռնարկված վերապատրաստումների տեսակների, ինչպես նաև վերապատրաստումն անցած վերապատրաստողների թվի և պաշտոնների մասին:

Որակավորումներ՝

- Վարչական և մասնագիտական փորձ,
- Մասնագիտական թեմաներով անգլերենով հաղորդակցվելու կարողություն,
- Ատելության շարժառիթով հանցագործություններին վերաբերող հարցերի վերաբերյալ փորձառություն:



## **ՀԱՎԵԼՎԱԾ 2. Ծրագրի իրականացման ազգային աշխատանքային խմբի տեխնիկական առաջադրանք**

ԾԻԱԱԽ-ի դերն էական է ԱԾՀՎԴ-ի իրականացման և մասնակից Պետության և ԺՀՄԻԳ-ի միջև կապի ապահովման համար: ԾԻԱԱԽ-ի կազմը և դրա գործառույթները շարադրված են ստորև: Նախատեսվում է ԾԻԱԱԽ-ի կանոնավոր հանդիպումների կազմակերպում՝ քննարկելու արձանագրված առաջընթացը: ԾԻԱԱԽ-ի նիստերը գումարում և նախագահում է Ազգային համակարգողը: Խրախուսվում է տղամարդկանց և կանանց համաչափ ներկայացվածությունը:

Առաջարկվում է կապ հաստատել հետևյալ հաստատությունների և կազմակերպությունների հետ՝

- Հայաստանի Հանրապետության գլխավոր դատախազություն,
- Հայաստանի Հանրապետության քննչական կոմիտե,
- Հայաստանի Հանրապետության ոստիկանություն,
- Հայաստանի Հանրապետության ազգային անվտանգության ծառայություն,
- Հայաստանի Հանրապետության արդարադատության նախարարություն,
- Հայաստանի Հանրապետության մարդու իրավունքների պաշտպանի գրասենյակ,
- Հայաստանի Հանրապետության սահմանադրական դատարան,
- Հայաստանի Հանրապետության վճռաբեկ դատարան,
- Հայաստանի Հանրապետության վերաքննիչ դատարանների/առաջին ատյանի դատարանների ներկայացուցիչներ,
- Համալսարանական շրջանակների ներկայացուցիչներ,
- Ատելության շարժառիթով հանցագործությունների ոլորտում փորձագիտական կարողություններ ունեցող քաղաքացիական հասարակության ներկայացուցիչներ,
- ԺՀՄԻԳ:

Ծրագրի իրականացման ազգային աշխատանքային խումբը կարող է հանդիպումներին հրավիրել վերապատրաստող և համալսարանական այլ հաստատությունների ներկայացուցիչների և այլ կարևոր շահագրգիռ կողմերի:

Ծրագրի իրականացման ազգային աշխատանքային խմբի հատուկ գործառույթներն են՝

- Առաջարկել ԱԾՀՎԴ-ի ուսումնական ծրագրի ադապտացիան, ըստ անհրաժեշտության և երկրում առկա իրադրության,

- ԺՀՄԻԳ-ի աջակցությամբ ապահովել ԱՇՀՎԴ-ի թարգմանված նյութերի ստուգումը,
- ԺՀՄԻԳ-ի աջակցությամբ որոշել վերապատրաստողների վերապատրաստման դասընթացին մասնակցության ընտրության չափանիշները,
- ԺՀՄԻԳ-ի հետ միասին մշակել լրացուցիչ նյութեր՝ ատելության շարժառիթով հանցագործության հասկացության մասին տեղեկություններ տարածելու համար,
- Առաջարկություններ անել ԱՇՀՎԴ-ի իրականացման և արդյունքների ապահովման մասին,
- Մշտադիտարկել ԱՇՀՎԴ -ի իրականացման առաջընթացը,
- Ներգրավել գնահատման գործընթացում՝ աջակցելով գնահատողներին, տրամադրելով տվյալներ և ԱՇՀՎԴ-ի իրականացման մասին տեղեկություններ,
- Սատարել ԱՇՀՎԴ-ի շարունակականությանը՝ դատախազների, դատավորների և Քննչական կոմիտեի քննիչների ուսուցման և կրթական հաստատությունների ուսումնական ծրագրերում ներառմամբ,
- ԺՀՄԻԳ-ի հետ միասին մշակել անցկացված ԱՇՀՎԴ դասընթացների թվի, մասնակցների թվի և պաշտոնների գրանցման համակարգ,
- ԱՇՀՎԴ-ի իրականացմանը վերաբերող այլ գործառույթներ: